

博而精微小子所不能窺然竊聞之禹益之於舜曰儆戒
無虞衛武公耄矣作抑戒之詩自古聖哲焉能廢戒請以
先生之言記吾館朝夕誦之如臨師保庶幾無失養於家
大人無負吾友命名之義是詩教也余曰善哉永卿之言
詩也加東廣微氏一等也

太和山記

雷思霈

夷陵八日而至穀城去太和山尚三百里卽隱隱見絕頂
頂之青靄入看無也又一日而走山谷中水瀾瀾皆太和
麓也望闕臺復仰見之若數瓣青芙蓉絕頂若歲筵蔬初
日照之其光熊熊輕雲覆焉又一日至清微館從此入治
道相與舍騎而步道旁之觀目不及眴趾不及舉太子巖

以上予與玉檢疲極矣狀如几者平臺孟儒伯從鼓餘勇
紫霄始得輿日下春矣舍於南巖夜半寒雨飛泉落枕上
不知其爲風聲也樓居出樹杪風斯在下耳蚤起從房陵
官道上太和宮九轉而至絕頂其高穎出其大不過數十
尺入金觀伏謁元君予拜手曰丕顯大神降於楚採金四
出楚最煩苦請以黃金臺化櫟陽之雨作荊州貢何如俄
而白雲起封中往來衣袂間如大海水四望皆白氣如萬
竈烟蒸之浮浮漏大地出琉璃色奇矣俄而日光下射冉
冉上升如輕縠幕諸峯畧可名狀如波如列戟如旗旂如
食前豆下視清微諸宮殿如海旁蜃氣乍遠乍近象生具
中上視白雲如百匹布着天其疾如駛其相織如天孫杼